

# ISIFUNDO SAKUQALA Amalungiselelo okulima

## INHLANYELO LEMVUNDISO


- Sebenzisa inhlanyelo elohlonzi oluphezulu.
- Sebenzisa umquba, iwakwane kumbe ifethalayiza elohlonzi.
- Thenga/Qogelela impahla zokulima umhlaka 15 Mfumfu (October) engakafiki ukuze wenelise ukubamba umdaka wakuqala.
- Gcina inhlanyelo kanye le fethalayiza endaweni ebetha umoya njalo ewomileyo.

## UKULUNGISA UMHLABATHI

**Nanzelela ukuthi ku “Gantshompo “akula ndingeko yokuphendula umhlabathi.**

Ukugejwa kwamagodi kusetshenziswa ikhuba lezandla:

- Gebha amagodi ngekhuba lezandla alesilinganiso esinje: 15cm ububanzi, 15cm ubude njalo 15 cm ukutshona.
- Lapho okulensimu ezilothango, ukugejwa kwamagodi kungaqala ngesikhathi kuqedwa ukuvuna.
- Emasimini angabiyelwanga amagodi angaqala ukugejwa ngenyanga kaNcwabakazi (August) loMpandula (September)
- Sebenzani lingamaqula ukuze umsebenzi wokugebha amagodi ubelula.
- Inhlabathi ephuma egodini linye ngalinye kumele ibuthelelwe kakuhle eceleni kwalelogodi eligejiweyo ukuze iphathise ekugoleni kwamanzi esiya egodini izulu lingana.



*Insimu etshengisa indlela umhlabathi okhothemengayo, legodi eligejiweyo lombundu wenhlabathi evela egodini.*



**USAID**  
UNCEDO OLUVELA  
EBANTWINI BEAMERICA




**CNFA**  
Cultivating New Frontiers  
in Agriculture

## UGANTSHOMPO WOKUDWEBELA

- Ugantshompo wokudwebela ugoqela ukuvula imizila yokuhlanyela usebenzisa *iMagoye ripper* kumbe ikhuba lenkabi elikhutshwe ichitha kumbe *iripper tine* ebotshelwe ekhubeni lenkabi kumbe elabobabhemi.
- Lapho okuvulwe khona imizila yokuhlanyela akumelanga kuphendulwe ngaphambilini ngekhuba le nkabi kumbe elabobabhemi.

### 1 *iMagoye Ripper*


- *iMagoye ripper* likhuba lokudwebela njengokutshengiswe kumfanekiso ongaphansi ngesikhathi sokuhlanyela umvundiso, kumbe umquba, kumbe ifethalayiza kanye lenhlayelo kumele kufakwe ngezandla emzileni wokuhlanyela ovulwe yi*Magoye ripper*.



*iMagoye Ripper* ivula kumbe idweba imizila yokuhlanyela.

## 2 Ikhuba lenkabi likhutshwe ichitha


- Ikhuba lenkabi loba elabobabhemi elikhutshwe ichitha linga setshenziswa ukuvula imizila yokuhlanyela njenga lokhu okutshengiswe emfanekisweni ongaphansi.
- Ngesikhathi sokuhlanyela umvundiso, umquba, ifethalayiza kanye lenhlanyelo kumele kufakwe ngezandla emzileni wokuhlanyela ovulwe likhuba.



*Ikhuba lenkomo kumbe obabhemi elikhutshwe ichitha.*

## 3 Ikhuba lenkabi likhutshwe umhlathi lechitha kwabotshelwa iripper tine

- Ikhuba le nkabi kumbe obabhemi elibotshelwe *ripper tine* lingasetshenziswa ukuvula imizila yokuhlanyela ngendlela okubukiswe ngayo kumfanekiso ongaphansi.
- Kuqalwa ngokukhitshwa ichitha lomhlathi osekhubeni besekubotshelwa yona *ripper tine*.
- Ngesikhathi sokuhlanyela iwakwane kumbe umquba, kumbe ifethalayiza kanye lenhlanyelo kufakwa ngezandla emzileni oyabe uvulwe *yiripper tine*.



*Ikhuba elidonswa zinkomo kumbe obabhemi elikhutshwe ichitha lomhlathi lafakwa iripper tine.*

## IZIBANGA PHAKATHI KWAMASINDE


- Indlela okwehlukaniswa ngayo inhlangano nxa kuhlanyelwa ensimini itshiyana ngezilimo.
- Ukwehlukaniswa kwenhlangano yezilimo ezibalulekileyo kulotshiwe ngaphansi lapha.

Amabele lenyawuthi


90cm X 30cm

Indumba zesintu la mazambane

45cm x 10cm



*Ukwehlukaniswa inhlangano.*



Buza kumlimisi wakho nxa udinga olunye ulwazi ngokuhlanyelwa kwezilimo ezingalotshwanga kuphetshana leli.